



PENIAGA warga asing yang berniaga sirih, manisan dan rokok seludup hanya akan mula berniaga bermula tengah hari.

PENIAGA WARGA ASING TAK SERIK

'Mini Dhaka' masih lagi beroperasi

Kuala Lumpur: Tidak pernah serik apabila lokasi yang mendapat jolokan 'Mini Dhaka' di Jalan Silang di sini, masih dikuasai peniaga warga asing.

Terbaru Dewan Bandaraya Kuala Lumpur (DBKL) melalui Jabatan Penguatkuasaan melaksanakan operasi dan tindakan khas terhadap penjaja warga asing di sekitar kawasan itu semalam.

DBKL menerusi hantaran di Facebooknya berkata, sebanyak tiga serbuan dilaksanakan

di sekitar kawasan itu pada waktu berbeza.

"Hasilnya, 22 tindakan sita serta-merta dilaksanakan. Tindakan diambil mengikut UUK (Undang-Undang Kecil) Pelesenan Penjaja (WPKL) 2016.

"Kesemua barangan yang disita dibawa ke Stor Sitaan Jalan Lombong, Taman Miharja Cheras untuk tindakan rekod dan dokumentasi," katanya.

Harian Metro pada Oktober lalu melaporkan peniaga warga asing di

'Mini Dhaka' seolah-olah tidak serik apabila masih berniaga walaupun seringkali diserbu pihak berkuasa.

Tinjauan mendapati, peniaga warga asing yang berniaga sireh, manisan dan rokok seludup hanya akan mula berniaga bermula tengah hari.

Mengulas lanjut, DBKL berkata, pihaknya akan meneruskan tindakan dan pemantauan dari semasa ke semasa di lokasi tumpuan yang telah dikenal pasti.

Katanya, orang awam boleh berhubung atau menyalurkan maklumat di pautan <https://adukl.dbkl.gov.my/>.

Sebanyak tiga serbuan dilaksanakan di sekitar kawasan pada waktu berbeza